



Universitätsbibliothek Paderborn

**Divi Avrelii Avgvstini Hippo. Episcopi Meditationes,
Soliloquia et Manuale**

Augustinus, Aurelius

Coloniae Agrippinae, 1649

De fiducia quam habere debet anima in Domino Iesu atque ejus paßione,
14

[urn:nbn:de:hbz:466:1-54885](#)

mali potuit invenire. Per ipsum me justifica, qui peccatum non fecit, nec inventus est dolus in ore ejus. Per ipsum caput nostrum, in quo nulla est macula, libera me membrum ejus, licet exiguum & infirmum. Libera, quæso, me à peccatis, vitiis, culpis & negligentiis meis. Reple me tuis sanctis virtutibus, & fac me bonis pollere moribus. Fac me in sanctis operibus propter nomen sanctum tuum perseverare usque in finem, secundum tuam voluntatem.

C A P V T X I V .

De fiducia, quam habere debet anima in Domino Iesu, atque ejus passione.

1. **D**Esperare utique potuisse propter nimia peccata mea, infinitas negligentias meas, nisi Verbum tuum Deus caro fieret, & habitaret in nobis. Sed desperare jam non audeo; quia cum inimici essemus, reconciliati sumus per mortem filii tui, quanto magis reconciliati salvi facti sumus per eum? Omnis namque spes & totius fiduciæ certitudo mihi est in precioso sanguine ejus, qui effusus est propter nos, & propter salutem nostram. In ipso respiro, & in ipso confisus ad te pervenire desidero; non habens meam justitiam, sed eam quæ est ex filio tuo Domino nostro Iesu Christo. Unde gratias agimus tibi, clementissime & benignissime amator hominum Deus, qui per Iesum Christum filium tuum Dominum nostrum, cum non essemus, potenter fecisti nos: & cum perdisti fuissimus culpa nostra,

nōstra , mirabiliter liberasti & recuperasti nos.

2. Gratias ago pietati tuæ , & multas tibi laudes refero ex totis præcordiis meis , qui propter tuam inenarrabilem dilectionem , qua nos miseros & indignos mirabili bonitate amare dignatus es , misisti eundem unigenitum tuum de sinu tuo ad publicum proficuum nostrum , salvare nos peccatores , tunc filios perditionis. Gratias ago tibi pro sancta incarnatione & nativitate ejus , & gloriofa genitrice sua , de qua ipse carnem assumere dignatus est propter nos , & propter nostram salutem ; ut sicut Deus verus de Deo , ita verus homo ex homine esset. Gratias tibi ago pro passione & cruce ejus , pro morte & resurrectione ejus , pro ascensione ejus in cœlum , & sede Majestatis ejus ad dexteram tuam. Ipse enim quadragesimo die , post resurrectionem suam , ascendens videntibus discipulis super omnes cœlos , sedensque ad dexteram tuam , Spiritum sanctum secundum promissionem suam in filios adoptionis effudit.

3. Gratias tibi ago pro sacratissima illa effusione pretiosi sanguinis ejus , quo sumus redempti ; simul & pro sacrosancto & vivifico mysterio corporis & sanguinis ejus , quo quotidie in Ecclesia tua pascimur , & potamur , abluimur & sanctificamur , & unius summæ divinitatis participes efficimur. Gratias tibi ago pro tua mira & inenarrabili charitate , qua nos indignos sic amasti , & salvasti , per unicum & dilectum filium tuum .

Sic

Sic enim dilexisti mundum; ut unigenitum tuum dares: ut omnis qui credit in eum non pereat, sed habeat vitam aeternam. Hac est autem vita aeterna, ut cognoscamus te verum Deum, & quem misisti Iesum Christum, per fidem rectam, & condigna fidei opera.

C A P V T X V.

De immensa charitate Patris aeterni ad genus humanum.

1. **O** Immensa pietas, ô inestimabilis charitas! ut liberares servum, filium tradidisti. Deus factus est homo, ut perditus homo, de potestate dæmonum erueretur. Quam benignissimus amator hominum, filius tuus Deus noster, cuius piis visceribus non satis visum est, ut se inclinaret factus homo de Virgine Maria, nisi etiam subiret crucis supplicium effuso sanguine propter nos, & propter nostram salutem. Venit pius Deus, venit pro pietate & bonitate sua, venit querere & salvum facere, quod perierat. Quæsivit ovem perditam, quæsivit & invenit, & humeris suis reportavit ad caulas gregis pius Dominus, & vere multum pius Pastor.

2. O charitas, ô pietas! Quis audivit talia? Quis super tanta misericordia viscera non obstupecat? Quis non miretur? Quis non collaretur propter nimiam charitatem tuam, qua nos dilexisti? Misisti filium tuum in similitudinem carnis peccati; ut de peccato damnaret peccatum, ut nos efficeremur justitia